



DECRETUM UNIVERSITATIS.

Extractum è Commentariis Universitatis
4 Februarii 1741.

Scribendo affuerunt R E C T O R , Decani,
Procuratores , Tribunal Academicum ,
in *Laudunæo* , Pridie Nonas Februar.
M. DCC. XLI.



UÒD dixit Vir Clarissimus M. ELIAS COL-
DE-VILARS, Saluberrimæ Medicorum Faculta-
tis Decanus : In omni Corpore benè constituto
fidam debere esse partium inter se societatem :
Jura quæcumque, etsi uni alicui Membro pecu-
liariter assignata, totius corporis esse Jura. Hinc Universi-
tatem singulorum, ex quibus constat, Academicorum Ordini
peculiaria Privilegia, non secus ac sua generalia &
communia, semper defendisse ac vindicasse; hinc nominatim

præsto fuisse Saluberrimæ Facultati, quoties huic dimican-
dum fuit adversus extraneos quosdam & advenas, Medico-
rum Parisiensium jura usurpantes; ratam videlicet tam suâ,
quam ipsius Saluberrimæ Facultatis, interesse, ut ab exer-
cendâ Parisiis medicinâ arcerentur, quos Ipsa non agnosce-
ret: nedum eo fuisse animo, ut ejusmodi hominibus quid-
quam apud se loci aut exercitii esse pateretur. Ecce tamen
dici certos quosdam ex eo genere Medicos aliquibus in Col-
legiis, contrâ Universitatis mentem Majorumque instituta,
ab aliquot annis cœpisse adhiberi. Quod, ut Saluberrimæ
Facultati, atque adeò toti Universitati, injuriosum esse, ita
& adolescentibus, qui illic instituuntur, quandoque permo-
lestum. Cum enim Præclara Artium Facultas, antiqui moris
constanter retinens, non alia Medicorum testimonia, præ-
terquam Parisiensium, admittat, Scholares, qui, aut brevi
aliquo morbo impediti nomina sua in Catalogis dare non
potuerunt, aut *habituali* aliquâ infirmitate laborantes Dictata
à Magistris manu excipere non valent, atque adeò tenentur,
factâ publicis in Comitibus Supplicatione, illi suam à Scholis
absentiam excusare, hi à scribendo immunitatem petere, si
fortè Medicis non-Academicis usi sunt, in angustiis maxi-
mis versari; ipsi quippe aut emendicandas à Medicis Pari-
sienfibus, quibus non sunt usi, testificationes, quod minimè
deceret; aut (quod nefas cogitare) confingendas. Itaque Salu-
berrimam Facultatem, pro eo jure quod ipsi hac in parte
competit, postulare, ut ejusmodi abusus Universitas quam-
primùm autoritate suâ comprimat: DE E A R E, audito
Clarissimo Profyndico, rogatis dictisque sententiis, habitâ
ratione postulationis Saluberrimæ Facultatis, **DECRETUM**
EST, Standum esse Majorum institutis, & consequenter sub
pœnis Academicis utandos esse Gymnasiarchas & Præfec-
tos tùm Collegiorum, tùm Pædagogiorum quorumcumque,
in quibus Scholares Academici aluntur & instituuntur, ne
in suis Collegiis Pædagogiis-ve quemquam assumant in Me-
dicum, si quem habent, Ordinarium, nisi qui sit in Salu-
berrimâ Facultate Parisiensi Doctor Medicus; atque om-
ninò ne ad Scholarium Academicorum curationem ullos
alios Medicos, præterquam Parisienses, aut eos quibuscum

350
consulere Parisienses consueverunt , adhiberi patiantur.
Et ità concludit Amplissimus R E C T O R.

N. P I A T, Scriba.

*Hoc Decretum lectum, recognitum, & confirmatum fuit
in Comitiis die quartâ mensis Martii, anno Domini mille-
simo septingentesimo quadragesimo-primo habitis; ac, ne quis
ignorationis causam obtendere valeat, Placuit, illud typis
imprimi & publicari.*

N. P I A T, Scriba.

